

630

631

632

633

634

82

U-56



W/S





ԱՆԴԵՂԱ ՔԱՃԱՐԻ

ՆՅԻՆԻՆՅԻՆԻՔԵՆԵ  
ԳԱՂՏՆԻՔԸ

ԽԱՐԳ. Տ. Յ. ՏԵՏԵՆԸ



ԶՍԻՒԹՆԻՍ

Ի ՏԳԱՐԱՆԻ ՏԵՏԵՆԸ

1862

in

2011

ԱՆԳԵՂԸ ԻՆՏԻՈՒԻ

82

ԿԱՄ

ՆԱԽԱԽՆԱՄՈՒԹԵԱՆ ԳԱՂՏՆԻՔԸ

ԿԳ

Թ ԱՐԳ Մ ԱՆԵ ԱՅ

Տ . Յ . Տ Ի Տ Ի Ե Ա Ն




2003

ՉՄԻՌՆԻՒՄ

Ի ՏՈՒՐՆԵՐ ՏԻՏԻՆՆԵՐ

Printed in Turkey



112



200


408  
39



# ԱՆԳԵՂԸ ՔԱՂՈՒՄ

ԿԱՄ 1

## ՆԱԽԱՆՆԱԾՈՒԹԵԱՆ ԳԱՂՏՆԻՔԸ



Թշուառութիւն կրող քրիստոնէայք .  
 զԳՅԶ կեցէք Նախախնամութեան գաղտնեացը  
 գէմ գանշատելու : Ա՛րչափ ալ խիտ երևին ,  
 միշտ պաշտելի են անոնք : Ա՛ն , որ քանի մը օ-  
 բուան փորձութեանց համար յախտենական  
 կեանք մը պատրաստած է զմեզ վարձատրելու ,  
 անշուշտ մեզմէ ուրիշ խորհուրդներ ունի , որոց  
 մեր տկար տեսութիւնը չկրնար ներկայ վայրկե-  
 նիս մէջ թախանցել : - Համբերեցէք , գուցէ  
 այս է Նախախնամութեան հրամանը , բայց մի՛  
 կտրէք յոյսերնիդ , և օրհնեցէք ՂԱ՛ն . ինչու որ  
 վարձատրութեան օրը և ժամը Ա՛ն սահմանած  
 է , ու վարձքը ան ժամանակը կը ղրկէ , երբ  
 հաճելի երևի Ա՛նոր , որուն բռնած ճամբաները  
 միշտ անսխալ են , և իր արարածներուն ամե-  
 նալու բարութեանը համար ամեն բան կը ղըր-  
 կէ : - Երանի թէ հիմա կարգալու պատմու-  
 թի՛նիդ բաւական փորձ մը կարենայ ըլլալ ձեզ :

ՍԵՂԻՄ Տաճկաց կայսեր իշխանու-  
 թեան ժամանակը ( երբ Ախլրոս կըղ-

Printed in Turkey



զւոյն տիրելէն ետև , սոսկալի նաւա-  
 տորմիզ մը կը կազմէր Պապին , Սպա-  
 նիացւոց և Վենետիկի հասարակապե-  
 տութեան զօրութեանցը դէմ դնելու ,  
 որոնք միաբանած էին իրեն հետ սլա-  
 տերազմելու ) , Չէրիկօ կղզւոյն մէջ  
 քսան տարեկան երիտասարդ կին մը  
 կը բնակէր Անգեղա Քաճիօլի անու-  
 նով , որուն առաքինութեանցը ու բա-  
 րեպաշտութեանը վրայ կղզւոյն բոլոր  
 բնակիչները կը զարմանային : Արդէն  
 եօթը տարիէ 'ի վեր կարդուած էր , ու  
 երեք տարի էր որ իր էրիկը պատե-  
 րազմելու զայեր էր , ու անատենէ 'ի  
 վեր ամենևին լուր մը առած չէր : Իր  
 յոյսը բոլորովին կորուսած ու ընտա-  
 նեացը հարկաւորութիւնները ինքնին  
 հոգալու ստիպուած , արտասուօք և  
 թշուառութեամբ կեանք մը կ'անցնէր՝  
 իր երեք զաւակները աղէկ մեծցընելու  
 համար հոգ տանելով , որոց երկուքը

տղայ էին , ու մէկը աղջիկ Աննա ա-  
նունով :

Իրենց այս դժնդակ վիճակը օրէ օր  
աւելի վատթարանալու վրայ էր : Ու-  
քիալի , ճէզայիւրի պէյը , Սուլթանին  
օգնութեան երթալու ատենը՝ Յունաս-  
տանի ծովեզերքէն անցնելով , Չէրի-  
կօ կղզին իջաւ , քաղաքը կողոպտեց և  
անոր բոլոր բնակիչները դերի տարաւ :  
Անգեղա զինուորներուն իր տունը մըտ-  
նելը լսելով , անմիջապէս գէպ 'ի Աս-  
տուածածնի պատկերը վազեց , որուն  
առջևը իր երեք զաւակները աղօթքը ը-  
նել տալու սովորութիւն ունէր , առաւ  
զան ու իր զգեստին մէջ պահեց :

Թշնամիները զինքը ու իւր երեք զա-  
ւակները բռնելով ցուկանաւը տարին ,  
ու Կոստանդնուպօլիս հասնելուն պէս՝  
զանազան տէրերու դերիի պէս ծախե-  
ցին : Արկու աղաքները , որոնց անդ-  
րանիկը հինգ տարեկան էր , Տարա-

պուլուզի ծովասպատակի մը ձեռքը ինչ  
 կան . ծաղկահաս Մենան հրէութենէ  
 դարձած վաճառական մը գնեց , որ  
 Ալճէրիա կ'երթար , և մայրերնին ըս-  
 պանիացի Մովի անունով ուրացեալի  
 մը ծախուեցաւ : — Ահա աս ընտանի-  
 քը , ինչպէս կը տեսնուի , այսպէս ցիր  
 ու ցան եղան . բայց պէտք է Նախա-  
 խնամութեան կամացը թողուլ . երբ իր  
 հրամաններուն սահմանեալ օրը հաս-  
 նի , կարող է ամեն անդամները միա-  
 ցընել :

Անհնար է Անդեղային անպայման  
 վիշտը նկարագրել , երբ տեսաւ որ  
 այսպէս իր երեք զաւակներէն զատ-  
 ուեցաւ . սակայն իր յոյսը Նախախնա-  
 մութեան վրայ դնելով , այսպիսի ցա-  
 ւալի ձախորդութեան մը համբերելու  
 հարկաւոր եղած ոյժը ստացաւ :

Մովի 'ի սկզբան շատ քաղցրու-  
 թեամբ վարուեցաւ հետը , որով կը

յուսար որ քրիստոնէութենէ դարձը-  
նելով իր կիներ ընէ . բայց տեսնելով  
որ իր ջանքերը անօգուտ տեղն էին ,  
երկաթներու մէջ դրաւ և անկէ ետե  
անդ թուրեամբ կը վարուէր հետը :

Տասնուչորս տարի այսպէս անցաւ ,  
որ առեն խեղճ Անդեղան , երբեմն  
Սոմիէն աղատութիւն ստանալով , եր-  
բեմն ստորերկրեայ բանտերու մէջ  
բանտարկուելով , շատ անգամ իր ա-  
չաց առջև քրիստոնէից կոտորման սոս-  
կալի տեսարանը տեսեր էր , զորոնք  
այս անդութ մարդը ցիցի վարսել կամ  
այրել տալով կ'ուրախանար :

Վերջապէս Սոմի որ քանի մը տա-  
րիէ հետէ եկեր Ղէզայիւր կը բնակէր ,  
իւր գերիին անդրդուութենէն ձանձրա-  
նալով միտքը դրաւ նորէն ծախել  
զան . և իմանալով որ իր տանը քով  
բնակող վաճառականը կին մը կը փըն-  
տուէր երկու կամ երեք տարեկան աղ-

Տիկան մը խնամատարութեան համար ,  
անոր հետ խօսք ըրաւ , և Անգեղան  
անոր տուաւ :

Այս վաճառականին անունն էր Քա-  
յիթօ , որ Անգեղան իր կնոջը տանե-  
լով ըսաւ . “ Ահա՛ աղախին մը ծախու-  
առի , որ մեր փոքր աղջկան հոգ տանի ,  
Աս բանիս համար քրիստոնեայ որոշե-  
ցի , ինչու որ աս կրօնքին կիները աս  
քաղաքիս մէջ եղողներէն աւելի աղէկ  
կը մեծցընեն զաւակները ” :

Քայիթօյի կինը և Անգեղան աս  
խօսքերէն բան մը չի հասկցան . իրենց  
սրտին մէջ ուրիշ խորհուրդներ կ'ան-  
ցնէին . երկուքնին ալ նոյն զարմաց-  
մամբ իրարու կը նայէին , և կ'երևար  
թէ զիրար ճանչնալու յիշողութիւնը  
մտքերնին բերելու կը ջանային : Այր-  
բոր երկուքնին մինակ մնացին , մէկ-  
զմէկ ճանչնալու համար մէկ խօսք մը  
բաւական եղաւ , նոյն միջոցին երկուք-



նուն բերանէն “Մայր իմ”, “Աղ-  
ջիկս”, լուսեցան, և զհրար զրկընդ-  
խառնելով ուրախութեան յորդառատ  
արտասուքներով, այսպէս երկար ատե-  
նէ ետքը անկարծելի կերպով մէկզմէկ  
զտնելնուն վրայ զգացած ուրախու-  
թիւննին իրարու յայտնեցին: Արբ  
կարող եղան խօսիլ, Անգեղան իմա-  
ցուց աղջկան թէ ինչ ճամբով Աս-  
տուած իւր քովը բերեր էր, Աննան  
ալ իր պատմութիւնը պատմեց: Օ՞ին-  
քը Քայիթօն ծախու առնելով մեծ  
խնամքով մեծցուցեր և տասնուերեք  
տարեկան հասակին մէջ կարգուելու  
ստիպեր էր զինքը:

Ասկէ ետքը Անգեղան և իր աղջիկը  
դերութենէն ազատելու միջոցներ մը-  
տածելէն ուրիշ բան չէին ըներ.  
բայց մէկը չի գտան որ կարենար իրենց  
բաղձանքը կատարել: — Այսպիսնա-  
մութիւնը որ այսպէս զարմանալի կեր-

պով զանոնք միացուցեր էր, դարձեալ  
 իրենց օղնութեան հասաւ, և նոյն  
 իսկ Քայիթօյի ձեռօքը անոնց դադա-  
 նի խորհրդոցը փորձը դիւրացուց ։

Օր մը, Քայիթօ քրիստոնէից վը-  
 րայ իր կնոջը խօսելով, ըսաւ. “ Աս  
 աղանդին ծառայողները այնպէս կա-  
 մակոր են, որ բան մը չի կրնար յաղ-  
 թել անոնց, մեր տանը պատկից գե-  
 րիներուն մէջ հաղիւ տասնութը  
 կամ տասնութը տարեկան երիտա-  
 սարգ մը կայ, որ ութը օրուան մէջ  
 երեք անգամ ծեծ կերաւ՝ իր կրօնքին  
 ազօթքներն ընելու ատեն բռնուելուն  
 համար. բայց այս պատիժը բանի  
 տեղ չի դնելով դարձեալ զանոնք  
 կրկնելը լսեր են ” ։

Աս երիտասարդին հաւատոյ այսպի-  
 սի հաստատութիւնը լսելով Աննա և  
 իր մայրը իմացան որ պիտի կրնան  
 այսպէս հաւատարիմ երիտասարդի մը

Չուտաճիլ : Աննա ժամանակ դտնելով ,  
 գնաց գերիներուն արգելարանին վը-  
 րայ նայող իրենց տանը պատուհանին  
 մէկը քիչ մը բացաւ , և գերին մինակ  
 տեսնելով թեւը երկնցուց , և թաշկի-  
 նակով մը նշան ըրաւ որ մօտենայ :  
 Աս խեղճը ոտքերուն կերած ծեծին  
 պատճառաւ չի կրնալով կանդնիլ , ծըն-  
 կերուն վրայ սողալով մօտեցաւ , և  
 զինքը կանչողին նետած ստակները  
 ժողովելէն ետեւ , քաղցր ձայն մը լը-  
 սեց , որ հազիւ թէ կը լսուէր . “ Այ-  
 ղը դարձեալ հո՞ս գանուէ , բարի ե-  
 ղիտասարգ ” : Աս ըսելով , վանդա-  
 կապառ պատուհանը դոցուեցաւ :

Հետեւեալ առտու նոյն ժամուն երբ  
 քոլոր միւս գերիները դործի դացեր  
 էին իրմէ դատ , որովհետեւ աշխատե-  
 լու կարողութիւնը չէր մնացեր , Ան-  
 նա նոյն նշանը ըրաւ անոր . առաջին  
 անգամէն աւելի ստակ և նամակ մ'ալ

նետեց , որ աս խօսքերը կը պարու-  
նակէր .

“ Քրիստոնեայ եղբայր ,

“ Հաւատքիդ մէջ ունեցած արիութիւնդ  
լսելով , ապահով ենք որ դուն կրօնքդ սորված  
ես , և թէ Աստուծոյ հաւատարիմ ըլլալովդ ան-  
շուշտ մեզ ալ հաւատարիմ ըլլօլու ես : Նայէ՛ որ  
ընկերներուդ մէջ մէկը գտնես , որուն կարենաս  
խորհուրդնիս հաղորդել . զքեզ ծախու առնե-  
լու համար բոլոր ստակը տալու ենք . բայց զմեզ  
գերութենէ ազատելու համար մեր ցուցընելու  
միջոցները ՚ի գործ գնելու ես : Մեզ ասոր պա-  
տասխանը գրէ , և նոյն տեղէն հաղորդէ մեզ  
զայն , ուրկից մեր զգացմունքը քեզ խնայուցինք :  
Աստուած քու պաշտպանդ ըլլայ , քրիստոնեայ  
եղբայր :

“ Բարեխոսք ” :

Աս նամակը երիտասարդ գերիին  
սիրտը ուրախութեամբ լցուց : Արկու  
Նէասյօլսեցի գերիներու ցուցուց , ո-  
րոնք իր հետը ծախուած էին , և ո-  
րոնց վրայ վստահութիւն ունէր : Ա-  
րեքնին մէկտեղ շնորհակալ եղան  
Աստուծոյ իրենց այսպէս ծառայութիւն

մը տալուն համար, և պատասխանը  
միաբանութեամբ գրեցին:

Բայց ան պատուհանն այնուհետև  
չէր բացուեր, ուրկից իրենց երջան-  
կութիւնը կ'ըստասէին: Ի՞նչ նեղու-  
թիւն և ի՞նչ երկիւղ իրենց խեղճ  
սրտին մէջ ծագեցաւ: Ա երջապէս  
չորրորդ օրը Աննա Քայիթօյի առ-  
ջևէն աղատելով, որ բոլոր այսչափ  
ժամանակ տկարութեանը պատճառա-  
տունը մնացեր էր, ուրախառիթ նշա-  
նը ըրաւ՝ առջի երկու անգամէն աւելի  
շատ ստակ սփռելով. ասկէ զատ առա-  
սան մը իջեցուց, և երիտասարդ գե-  
րին պատասխանը անոր կապեց: Աննա  
շուտով զան մօրը տարաւ, և երկուք-  
նին մէկտեղ այս հետևեալ նամակը  
կարդացին.

«Պաշտպանք իմ»,

«Աստուած զձեզ ձեր զգացմանցը մէջ պահէ  
և ձեր ինձ ըրած մարդասիրութիւնները վար-  
ձատրէ: Ես ձեզնի պէս անհամբերութեամբ կը



սպասեմ քրիստոնէից մէջ դառնայ, ոչ միայն  
 գերութենէ ազատելու, այլև կրօնքս սորվելու  
 համար. քանզի հինգ տարեկան էի, երբ գերի  
 տարին զիս: Յակոյն կրնամ ձեզ վստահացնել  
 թէ՛ ես քրիստոնեայ եմ, թէև միայն մէկ աղօթք  
 մը գիտեմ, որն որ մայրս մանկութեանս մէջ  
 սորվեցուցած է ինձ: Շատ անգամ կը կրկնեմ  
 զայն, և ասոր համար է որ ինձի հետ այնպէս  
 գէշ կը վարուին. բայց Աստուած կը քաջալերէ  
 զիս որ միշտ շարունակեմ: Շատ անգամ երազիս  
 մէջ կ'երևի, շատ ատեն չէ՛ Ան ինձ ըսաւ որ  
 քիչ ատենէն պիտի ազատուիմ: Չեր հրաման-  
 ները կատարելու պատրաստ եմ, և երկու Նէա-  
 սյօլսեցի ընկերացս վրայ վստահ եմ. մենք մեր  
 կեանքը պիտի զոհենք ձեր խորհուրդը կատա-  
 րելու համար:

“ Անյնանուէր և անկեղծ Բարեկիւս Յէր ”:

Այս պատասխանը Աննային և Ան-  
 դեղային յոյս տուաւ. բայց մօրը սրը-  
 տին մէջ կորսնցուցած զաւակացը վը-  
 րայ զղացած ցաւը նորոգուեցաւ.  
 “ Այս գերին, ըսաւ, հինգ տարե-  
 կան հասակին մէջ իր ազատութիւնը  
 կորսնցուցեր է, անդրանիկ որդիս ալ  
 այս տարիքին մէջն էր, երբ իմ բա-

զուկներուս մէջէն յափշտակեցին զան :  
 — Երանի թէ ան ըլլար », կրկնեց  
 Մննան : Մնդեղա իր լացը խափանե-  
 լով . « Մտուած ամենակարող է , աղ-  
 ջիկս , պատասխանեց , զիս քովդ բե-  
 րողը կրնայ զամենքս ալ միացնել . բայց  
 սրչափ նոյն տարեկան տղաներ աս  
 բարբարոսները գերի տարին » : Մ-  
 սու ամենայնիւ մտքերնին դրին նա-  
 մակով երիտասարդին սով ըլլալը և իր  
 ընտանեացը վրայ ինչ ծանօթութիւն  
 ունենալը հարցընել : Հետեւալ առ-  
 տու մտքերնին դործքի դրին , և միւս  
 օրը պատասխանը առին : Գերին կ'ի-  
 մացնէր իրենց որ իր ճնողաց վրայ  
 քիչ գաղափար ունէր . միայն ան կը  
 յիշէր որ իր անունը Մնտոն էր . թէ  
 իր մօրը , քրոջը և իրմէ պզտի եղբօ-  
 րը հետ գերի տարուեր էր , և իր մայ-  
 րը սովորութիւն ունէր զիրենք մէկ-  
 տեղ Սուրբ Կուսին պատկերին առ-

ջեւը աղօթք ընել տալու :


Աս տեղեկութիւնները մօրը և աղջըկան մտայ մէջ ամենեւին տարակոյս մը չի թողուցին , և ասոր վրայ զգացած ուրախութիւննին սարտաւորեց զիրենք նամակին կարգալը թողուլ քիչ մը : Աննա վերջապէս իր խռովութեանը յաղթելով կրցաւ շարունակել զան : Այրիտասարդ գերին կ'իմացնէր թէ մինչև ան տարին զիրենք ծախու առնող Տարասուլուզի ծովասպատակին հետն էին . թէ այս ծովասպատակին նաւը 'Աէապօլսեցի' նաւէ մ'երեք ամիս առաջ բռնուելով՝ երկու նաւերը իրարու զարնուեցան , իր փոքր եղբայրը քրիստոնէից մէջ նետուեր էր , և ինքը չի կրցեր էր անոր պէս ընել . ու երկու նաւերն ալ վընասուելով իրարմէ զատուեր էին : Իր տէրը Տէգայիր քաշուելով , և ծովասպատակութենէ հրաժարելով , իր

բոլոր գոյքը և գերիները ծախեր էր, որոնց մէջ կը գտնուէր ինքը և խօսեցած երկու՝ Ահապօլսեցիները, որոնք աս պատերազմին մէջ բռնուեր էին :

“ Եւ յիս Եստուածը, որ զիս աղջըկանս քովը բերաւ, պոռայ Ենգեղան՝ նամակը լմնցընելէն ետքը, ահա հիմա ալ տղաս դտնել կուտայ, մեծ է Եստուծոյ բարերարութիւնը, և ես մեծ յոյս ունիմ որ ամենքս ալ մէկտեղ պիտի միացնէ ” :

✕ Մայրը և աղջիկը որոշեցին որ ովքէր լաւնին երիտասարդ գերիին չեյայտնեն մինչև որ գերութենէ ծառայող առնուի, վախնալով որ չըլլայ թէ իր շափազանց ուրախութենէն վրտանգաւոր անզգուշութիւն մը պատճառէ :

Ես միջոցիս գերիները դնելու համար հոսիմէն իրենք իրենի եղբարցընկերութեան կողմէ, շուրջ իրօնաւոր





ներ եկան, որոնց հետ եպիսկոպոս  
 մ'ալ կար: Նախ և առաջ Քայիթօյի  
 ունեցած գերիները քննել ուզեցին:  
 Աս առթիւ Աննա եպիսկոպոսը կրցաւ  
 տեսնել, և օր մը մինակ ատեն գըտ-  
 նելով, Աննա և Անդեղա իրենց բո-  
 լոր դիպուածները պատմեցին, և ի-  
 թենց միաքը յայտնեցին անոր: Ան-  
 տոնը և երկու Նէապօլսեցիները ծա-  
 խու առնուեցան, և աղատութեան նա-  
 խընթաց օրը, Անդեղա և Աննա Ան-  
 տոնի նշան ըրին և պատուհանէն ոս-  
 կիով և աղամանդներով լեցուն թաշ-  
 կինակ մը և նամակ մը նետեցին, ետ-  
 քը պատուհանը դոցուեցաւ, գերին  
 մինակ մնալով փութաց նամակը բա-  
 նալ, որուն մէջ կարդաց.

« Որդեակս .

« Քեզմէ գաղտնիք պահելու ատեն չէ, Ղքեղ  
 դերութենէ աղատողները ոչ եթէ երկու օտա-  
 բական, այլ քու մայրդ և քորդ- են, որոնք ի-  
 թենց աղատութիւնը քեզմէ կը պահանջեն: Ե-



պիսկոսպարը տեղնի տեղօքը քեզ պիտի խօսի :  
 Քայիթօյի հետ գիւղի տունը պիտի երթանք ,  
 որ ասկէ երեք մղոն է՝ արեմտեան կողմը ծովէն  
 մէկ մղոն հեռի : Նէապօսեցիները ճախու առ-  
 նուէլէն ետեւ ճէղայիք սպասեցընել տուր , որ-  
 պէս զի հսկին և քու դառնալդ մեզ իմացընեն :  
 Իսկ դուն , որդեակս , զնա՛ , այդ ոսկին և ա-  
 դամանդները գործածէ , նաւ մը պատրաստէ ,  
 և եկու զմեզ այս թշուառ վիճակէն ազատէ :  
 Աստուած քու հետդ ըլլայ , որդեակս , մտածէ՛  
 միշտ որ մենք անհամբերութեամբ քեզ կ'ըստա-  
 սենք , և եկու շուտով ազատել զայն , քուն  
 կեանքդ կը պարտիս : Մնաս բարով :

“ Մայր ԴՆԵՆԵԱ ” :

Անտոն և երկու Նէապօսեցիները  
 իրօք հետևեալ օրը գերութենէ ազա-  
 տեցան և իրենց առջի գործը Քայի-  
 թօյի գեղի տունին դրութիւնը եր-  
 թալ օրերով գիտելն եղաւ : Նաւա-  
 հանդիսար քննեցին և ժայռերուն ե-  
 տեը տեղ մը որոշեցին , ուր կրնային  
 նաւէն դուրս ելլել առանց տես-  
 նուելու :

Անտոնին մեկնելէն քանի մը օր ե-

տե Բայիթօ հիւանդացաւ , և անմիջապէս իր ընտանեացը և մարդոցը հետ զիւղի տունը զնաց , ուր կը յուսար որ կ'առողջանայ , բայց օդափոխութիւնը իր առողջութեան անօգուտը լլալէն զատ , իր հիւանդութիւնը սաստկացուց , և բժիշկները յոյսերնին կտրեցին անորմէ : Ուստի և տասնուհինգ օրէն ետքը մեռաւ՝ բոլոր իր հարստութիւնները իր այրի կնոջը թողուով :

Աս բաները ճէզայիւրի մէջ եղած առեւնը , Անտոն Աէապօլիս հասեր էր , և եպիսկոպոսը անոր վրայօք փոխարքային հետ խօսելով , ասիկա նաև մը շնորհեց , որուն պէտք եղած պատրաստութիւնները սկսաւ մեծ ջանքով ընել Անտոն :

Ինչպէս որ ձախորդութիւն մը քիչ անդամ մինակ կը հասնի , այսպէս ալ մէկ երջանկութիւն մը ետեէն ուրիշ

երջանկութիւն կը բերէ . անհաւատը  
 ‘Նախախնամութեան աս կերպ դործե-  
 րը դիպուածական պարագաներ կը հա-  
 մարի , բայց ճշմարիտ քրիստոնեան  
 կը հաւատայ որ Աստուած իր բարիքը  
 առատօրէն կը բաշխէ մեր հաւատքը  
 վարձատրելու համար , և հայրաբար  
 պատուհասները շատ անգամ կը կըրկ-  
 նէ , որպէս զի զինքը ճանչնանք , և  
 զմեզ անցեալ յանցանքներէն մաք-  
 րենք :

Արբ եպիսկոպոսը Անտոնին և իր  
 քննանեացը պատմութիւնը փոխար-  
 քային կ'ընէր , ‘Նեապօլսեցի իշխան  
 մը անոր խօսքը ընդմիջեց ըսելով .  
 ‘‘ Արծեմ չեմ սխալիր այդ Անտո-  
 նին եղբայրը իմ նաւուս մէջն է ը-  
 սելու , Տարապուլուզի ծովասպատա-  
 կին վրայ յարձակող նաւը կը կառա-  
 վարէի , և նաւերը իրարու մօտեցած  
 ժամանակը իմ նաւուս մէջ նետուող

ներուն մէջ երիտասարդ մը կար, որ  
 հիմա լրածներուս մէկ մասը պատմած  
 է ինձ, բայց ես բոլոր անոր ըսած  
 ները սուտ կը կարծէի”։ Փոխարքան  
 հրամայեց որ երիտասարդը հոն բե-  
 րեն և եպիսկոպոսը Անտոնը կանչել  
 տուաւ։ Արկու եղբայրները զիրար  
 ճանչցան իսկոյն, և իրարու զրկեցին.  
 իրենց ուրախութեանը մասնակից ե-  
 ղան նաև բոլոր հանդիսականները,  
 և գերին նոյն միջոցին ազատեցաւ, ու  
 երբ Անտոն իր միտքը անոր իմացուց  
 և ճէզայիրի մէջ եղածները պատմեց՝  
 անոր հետ նաևուն պատրաստութիւն-  
 ները հոգալու ետևէ եղաւ։ Աւթը  
 օրուան մէջ նաևը պատրաստուեցաւ,  
 քառասուն հոգի դրին մէջը, և երկու  
 եղբարքն ալ մտնելով, իրենց մայրը  
 և քոյրը ազատելու համար ճամբայ  
 ելան։

Այսպէս Ահապօլաւոյ մէջ ամեն բան

յառաջ կ'երթար Անդեղային և որ  
 դուոյը իղձերը կատարուելու համար  
 բայց Տէղայիբի մէջ այսպէս չէր  
 Աստուած իր սիրածներուն երբեմն  
 յարատե խնդակցութիւն մը կու տայ,  
 Անդեղային բաղձանքը կատարելով,  
 անոր վստահութիւնը և անձնանուի-  
 րութիւնը փորձով մը իմանալ ուղեց :  
 Քայիթօյի մահուան վրայ հազիւ թէ  
 ամիս մը անցաւ, որ Տէղայիբի դա-  
 տաւորը անոր այրիացեալ կնոջ ան-  
 բաւ գանձերը լսելով՝ անոր հետ ա-  
 մուսնանալու առաջարկեց : Աննա, որ  
 անատենը յղի էր, պարապ տեղը իր  
 վիճակը յառաջ բերաւ, որ կրնար ա-  
 ռաջարկութիւնը մերժելու համար օրի-  
 նաւոր պատճառ մը ըլլալ. բայց ինչ-  
 պէս որ դատաւորին իշխանութեան ժա-  
 մանակը լիննալու վրայ էր, և զան  
 վերստին նորոգելու համար Աննային  
 հարստութիւններուն հարկաւորութիւն



ունէր, ճէղայիրի պէյին ձեռքովը  
 հրաման ղրկեց որ Քայիթօյի այրի կը-  
 նոջ հետ պիտի կարգուի և Աստան-  
 դնուպօլիս երթայ :

Ըս հրամանը շանթի հարուածի մը  
 պէս Ըննայի և Ընդեղայի սրտին ղար-  
 կաւ : Երկու ամիսի մօտ էր որ Ընտոն  
 ճամբայ ելեր էր, ամեն օր իրեն կ'ըս-  
 պասէին : Երկու 'Աէապօլսեցիները  
 գիշերները ծովու երկայնութիւնը հըս-  
 կելով կ'անցընէին, և դատաւորը Ըն-  
 նային հետ կարգուելով և իր հետը  
 տանելովը ամեն յոյսերնին կը խափա-  
 նէր : Ըս ինչ ձախորդութիւն էր, և  
 ինչ ճար գտնել պէտք էր արդեօք  
 ասոր :

Սակայն բարեպաշտ Ընդեղա բնաւ  
 չվհատեցաւ. « Ոչ, կ'ըսէր իր աղ-  
 ջկանը, Ըստուած որ արդէն այնչափ  
 անդամ յայտնի կերպով մը իր պաշտ-  
 պանութիւնը մեզի ցուցուց, իր գոր-

ծը անկատար պիտի չի թողու : Ջերմեռանդութեամբ աղօթք ընենք անոր որ այն վտանգաւոր վայրկենին մէջ երեսէ չի ձգէ զմեզ, և մեր խնդրոյն յաջողութեանը համար Յիսուսի աղաչենք, որ գլխաւորաբար վշտացեալները կը սիրէ, շատ անգամ ես անոր զօրութիւնը տեսեր եմ, դարձեալ այսօր մեր փաստաբանը պիտի ըլլայ Ան. և եթէ Աստուած մեր ազատութիւնը չուզէ, զոնէ քաջութեամբ մեր սուկալի ձախորդութեան համբերելու ոյժ պիտի տայ” : Արկուքնին մէկտեղ աս միտիթարիչ խորհուրդներով վառուած մեծ յուսով աղօթք կ’ընէին : X

Այսու ամենայնիւ Աստուած իրենց ուխտը չընդունեց կ’երևի, դատաւորը իր որոշմանը վրայ հաստատ կեցաւ, և արդէն հարսանեկան հանդէսին օրը որոշեր էր, միայն հնազանդիլը մնաց : Իայց Աստուած ուրիշ կերպ կը հրա-

մայէր : Սուրբ Գրոց մէջ “Նախանձ  
 Եւոր Ըստուած” կոչուելը առանց  
 պատճառի չէ . շուղեր որ մէկը իր  
 բարութեան սքանչելեացը գէմ դնել  
 կարենայ . և ան ատեն իր ամենակարո  
 ղութիւնը ցուցնել կ’ուզէ , երբ ամեն  
 բան մարդոց առջև կորսուած կ’ե  
 թևի : Ընոր դժուար բան չկայ , և մէ  
 կը չի կրնար արգելք ըլլալ անոր .  
 մեր տկար միտքը անոր խորհրդոց խո  
 բութեանը մէջ չկրնար թափանցել , և  
 անոր անողոքելի երեցած ժամանակը  
 անդամ” իր մարդասիրութիւնը խիստ  
 անակնկալ և խիստ կենդանացուցիչ  
 միջիթարութիւններ կը պատրաստէ մեզ .  
 Իր ապառնի կիներ տեսնելու անհամ  
 բերութեամբ , որուն հարստութեան  
 վրայ կը ցանկար և որուն համբաւը  
 ղինքը կը հրաշացնէր , դատաւորը առ  
 տու մը յանկարծ անոր տունը գնաց :  
 Մայրը և աղջիկը ան միջոցին պատկե

րին առջևը աղօթք կ'ընէին . երբ  
 ներս մտաւ , տեսած առաջին առարկա-  
 յին վրայ այնպէս յանկարծ ապշու-  
 թեամբ զարնուեցաւ որ չի կրցաւ բըռ-  
 նել զինքը : Աս պատկերը կը ճանչ-  
 նար , ինքն ալ այնչափ անզամ աս  
 պատկերին առջևը աղօթք ըրած էր :  
 Ի՛նչպէս արդեօք աս տեղ կը դտնուէ՞  
 հիմա : Իր անստուգութիւնները ան-  
 միջապէս վերցան . ակնթարթ աչքով  
 մը Անդեղայի նայելով , պաղ քրտինք  
 մը իր դէմքին վրայ ծածկեց , ոյժը  
 կտրեցաւ . և միայն աս խօսքերը կրցաւ  
 հատկատեալ ձայնով բերնէն հանել .  
 “ Ա՛նդեղա , դո՛ւն ես ” :

Անդեղա անմիջապէս իր ամուսնունջն  
 բազկաց մէջ վազեց . անոր խելքը գը-  
 լուխը բերաւ , և իր սրտառուչ ջան-  
 քերովն ու խօսքերովը քաջալերեց զան ,  
 բայց յանցաւորը խիստ խորունկ շը-  
 փոթութիւն մը զգալով աչքերը անոր

վրայ վերցընելու չէր համարձակեր .  
 “ Ամօթ ինծի , սրտաց վերջապէս՝  
 երբ ատեն անցնելով քիչ մը ոյժը  
 տեղը եկաւ , ամօթ ուրացելոյս . տես  
 ինչ վիճակի մէջ կը գտնես զիս , ո՛  
 Անդեղա , դուն որ քու քաջութեամբ  
 բըդ իմ վատութիւնս ինձ կ'ըզգա-  
 ցընես ” :

Ինչպէս փոխուեցան հիմա այն գա-  
 ղափարները , որով այս տունը եկեր  
 էր , և Աստուած իր մեծ փառացը և  
 այս ցրուեալ ընտանեաց բարութեա-  
 նը համար ամեն բան պատրաստեց :  
 Անդեղա պատմեց Քաճիոլիին թէ  
 ինչպէս երկար ատեն երբեմն ձախոր-  
 դութիւն կրելով , երբեմն Վախա-  
 խնամութեան բարիքը վայելելով ան-  
 ցուցեր էր , և ինչպէս դերի տարուե-  
 լէն , ծախուելէն և իր որդւոցմէ զա-  
 տուելէն ետքը՝ ամենքն ալ գտեր էր :  
 Քաճիոլին ալ սկսաւ իր աղէտները



պատմեւ, ըսաւ անոր թէ ինչպէս դե-  
 րի տարուելով, և ցիցը քամուելու սոս-  
 կալի տանջանքէն վատութեամբ վախ-  
 նալով իր կրօնքէն դարձեր էր, թէ  
 ինչպէս Ո՛րդայիր պէյին ձեռքէն ա-  
 ղատուեր էր, և անկէ քիչ մը ետքը  
 դատաւորութեան իշխանութիւնը ստա-  
 ցեր էր: “Բայց բոլոր աս պաշտօն-  
 ներէս կը հրաժարիմ, շարունակեց աշ-  
 խուժիւ, ասկէ ետքը միայն Աստուծոյ  
 և ընտանեացս համար կ'ուզեմ ապրիլ:  
 Արկար ատեն իողճմտանացս խայթերուն  
 դէմ դրի, բայց այսօր, նոյն ինքն  
 Աստուած է որ այս բարեպատէհ առի-  
 թը տուաւ ինձ այն շղթաները խորտա-  
 կելու, որոնցմով յօժարութեամբ կա-  
 պուեր էի. ո՛չ, երբէք այնչափ ապե-  
 րախտ պիտի չըլլամ ես իր բարիքը չըն-  
 դունելու. ժամանակը հասած է, ես ալ  
 ձեզի հետ կը մեկնիմ” :

Այսպէս ցաւալի երեցող աղէտքին

Եւ յաջող վախճանը ուրախութեամբ լը-  
 ցուց Անգեղայի և իւր աղջկան սիրտը :  
 Արեքնին մէկտեղ ջերմեռանդ աղօթք  
 մը ընելէն ետքը՝ դատաւորին փախ-  
 չիլը ապահովցնելու համար նոր միջոց-  
 ներ գտնելու զբաղեցան : Աննան կը-  
 նութեան ուզելը խիստ կը դիւրացնէր  
 գործը : Քաճիօլի իր գործքերը կար-  
 դի դնելու համար արտորնօք ճէղա-  
 յիր գառնալով, իր խիստ թանկագին  
 ինչքը բեռներ կապել տուաւ, և ա-  
 ռանց կասկած մը տալու Աննային ղըր-  
 կեց, որպէս թէ անոր հետ պիտի ա-  
 մուսնանայ : Անկէ ինքը քաղաքէն  
 դուրս իր զուարճութեան համար ու-  
 նեցած տունը անցաւ և նշան տուած  
 ժամանակին մեկնելու համար պատրաստ  
 գտնուեցաւ : Շատ ատեն չսպասեց  
 հոս, ինչու որ երեք օրէն Անտոն ու-  
 բոշեալ տեղը հասաւ, Անապօլսեցուց  
 մէկը, որոնք ամեն գիշեր կը հսկէին,

անմիջապէս Անդեղային և իւր աղջկան  
 իմաց տալու գնաց, և միւսը դատաւո-  
 ըին տունը վաղեց: Առաջով բոլոր  
 ընտանիքը միացան, և առաջուց պատ-  
 րաստութիւնները տեսած ըլլալով, շու-  
 շաղան նաւը մտնել և Պարպարտանի  
 ծովեզերքէն հեռանալ՝ պարագային  
 պահանջած ամենայն փութով և ամեն  
 տեսակ զգուշութիւններով:

Գովելի խոհեմութեամբ մը Անտո-  
 նի եղբայրը մինչև ան ժամանակը զինքը  
 չճանչցուցեր էր՝ վախնալով որ չըլ-  
 լայ թէ իր մօրը և քրոջը շափազանց  
 ուրախութիւնը իրենց բռնած ճամբուն  
 յաջողութեան համար պահանջուած ա-  
 րագութեանը և ողւոյ հանդարտու-  
 թեանը մնասէ, և նոյն պատճառաւ ա-  
 նոնք ալ Անտոնի բան մը չըսեր էին  
 իրենց հօրը համար: Ամեն տեսակ  
 վտանգներէ ազատելէն ետքը՝ երբ  
 ընդարձակ ծովուն մէջ հասան, երկու

ևողմէն ալ իրենց ուրախութիւնը յայտ-  
 նեցին : Ամեն խորհրդէ ազատ և այ-  
 նուհետև իրենց երջանկութեանը վրայ  
 հաւաստի ըլլալով՝ այս գերդաստանին  
 անդամներուն սիրտերը սիրոյ, ուրա-  
 խութեան, և երախտագիտութեան կիր-  
 քով շարժեցան : Չերմեռանդութեամբ  
 օրհնեցին այն գթառատ Նախախնա-  
 մութիւնը, որ զիրենք ամենքն ալ ձեռ-  
 քերնունմէն բռնելով իրարու քով  
 տարաւ :


Քանի մը օրուան յաջող ճանապար-  
 հորդութենէ մը ետև՝ Վիլորնօ հա-  
 սան, ու անկէ հռովմ անցան, ուր  
 Կոնֆալոնի եղբարց ընկերութիւնը ան-  
 թիւ բազմութեամբ ժողովրդոց զա-  
 հոնք ընկալաւ :





912  
25 11/12/18.  
De





ԿԱԶՄԱՏՈՒՆ Ա. ԲԱԴՅԱՆՈՒՆ ԹՅԵՂ

ATELIER DE ...  
A. PAGHTANOUCH

Заведеніе въ Сѣв. ...

630

631

632

633

634

2013

